

四庫全書

子部

欽定四庫全書

子部

蘭臺軌範卷五

詳校官太醫院院使臣張肇基

洗馬臣王坦修覆勘

總校官庶吉士臣何思鈞

校對官助教臣羅萬選

謄錄監生臣倪景寬

欽定四庫全書

蘭臺軌範卷五

吳江徐大椿撰

喘

素問

經脈別論夜行則喘出於腎淫氣病肺有所墮恐喘出
於肝淫氣害脾有所驚恐喘出於肺淫氣傷心度水跌
仆喘出於腎與骨當是之時勇者氣行則已怯者則著

而為病也 陽明脈解篇陽明厥則喘而惋惋則惡人
帝曰或喘而死或喘而生者何也岐伯曰厥逆連臟則
死連經則生 脈要精微論肝脈搏堅而長因血在脇
下令人喘逆 逆調論腎者水臟主津液主卧與喘也
此句又為喘之總訣生氣通天論因於暑汗煩則喘喝靜則多言
陰陽別論陰爭於內陽擾於外魄汗未藏四逆而起
起則熏肺使人喘鳴 水熱穴論水病者下為跗腫大
腹上為喘呼不得卧者標本俱病故肺為喘呼腎為水

腫肺為逆不得卧

金匱

上氣面浮腫肩息其脈浮大不治又加痢尤甚

喘方

麥冬湯

金匱

火逆上氣咽喉不利止逆下氣此主之

麥冬

七升

半夏

一升

人參

甘草

各二兩

粳米

三合

大棗

十二枚

右六味以水一斗二升煮取六升溫服一升日三夜

一服

此即竹葉石膏湯去竹葉石膏加大棗也專清肺胃之火若火逆甚仍用竹葉石膏為妙

桂枝加厚朴杏子湯

傷寒論

喘家主之

於桂枝湯方內加厚朴

二兩

杏仁

五十個去皮尖

餘依前法

麻黃杏仁甘草石膏湯

傷寒論

發汗後不可更行桂枝湯

汗出而喘無大熱者此湯主之

麻黃

四兩去節

杏仁

五十個去皮尖

甘草

二兩炙

石膏

半斤碎綿裹

右四味以水七升先煮麻黃減二升去上沫內諸藥

煮取二升去滓溫服一升

即越婢湯加杏仁去薑棗

定喘湯

振生方

治肺寒膈熱哮喘

麻黃

款冬花

半夏

桑皮

各三錢

蘇子二

錢

杏仁

一錢五分

白果

二十一枚碎炒

黃芩

甘草

各一錢

右以水煎徐徐服

皺肺丸

治喘

款冬花

知母

秦艽

百部

去心

紫苑

貝母

阿膠

糯米

炒各一兩

杏仁

另研四兩

右為末將羊肺一具先以水灌洗看容得水多少即

更添些煮杏仁令沸濾過灌入肺中繫定以糯米泔
煮熟研爛成膏搜和前藥末杵數千下丸梧子大每
服五十九食前桑白皮煎湯下

清燥救肺湯

治癰鬱喘嘔

桑葉

三錢經霜者

石膏

二錢半炒

甘草

一錢

胡麻仁

一錢炒研 阿膠

八分人參

七分

麥冬

一錢二分

杏仁

七分去皮尖炒黃

枇杷葉

一片

去毛
蜜炙

右九味以水一碗煎六分頻頻二三次滾熱服

小青龍加石膏湯

越婢加半夏湯

俱見咳嗽

按此二方為喘病之主方其餘衆方意不能外此即有他法必有別因當隨症增減也

麻黃湯

見傷寒

資生腎氣丸

瀉白散

錢乙

黑錫丸

俱見

治通

按黑錫丸鎮納元氣為治喘必備之藥當蓄在平時非一時所能驟合也

蠱脹水腫

靈素

靈脹論黃帝問曰願聞脹之舍岐伯曰夫脹者皆在於

臟腑之外

四字總括明透

排臟腑而廓胸脇脹皮膚故命曰脹

帝曰未解其意岐伯曰夫胸腹臟腑之郭也膻中者心主之宮城也胃者太倉也咽喉小腸者傳送也胃之五竅者閭里門戶也廉泉玉英者津液之道也故五臟六腑者各有畔界其病各有形狀營氣循脈衛氣逆為脈脹衛氣並脈循分為膚脹水脹篇黃帝問於岐伯曰水與膚脹臑脹腸覃石瘕石水何以別之岐伯答曰水始起也目窠上微腫如新卧起之狀其頸脈動時欬陰

股間寒足脛腫腹乃大其水已成矣以手按其腹隨手而起如裹水之狀此其候也黃帝曰膚脹何以候之岐伯曰膚脹者寒氣客於皮膚之間蹙蹙然不堅腹大身盡腫皮厚按其腹膏而不起腹色不變此其候也臆脹何如岐伯曰腹脹身皆大大與膚脹等也色蒼黃腹筋起此其候也腸覃何如岐伯曰寒氣客於腸外與衛氣相搏氣不得榮因有所繫癖而內著惡氣乃起瘕肉內生其始生也大如雞卵稍以益大至其成如懷子之狀

久者離歲按之則堅推之則移月事以時下此其候也
石瘕何如岐伯曰石瘕生於胞中寒氣客於子門子門
閉塞氣不得通惡血當瀉不瀉瘀則留止日以益大狀
如懷子月事不以時下皆生於女子可導而下 陰陽

別論云陰陽結邪多陰少陽曰石水少腹腫 邪氣臟

腑病形篇督脈微大為石水起臍已下至小腹睡睡然

上至胃腕死不治

水為有形之物故按之即起膚脹為無形之氣故按之不起腸覃乃腸外

惡氣所結故月事仍下石瘕乃胞中惡血所凝故月事不行各有定理也至石水則在少腹之中水結不散之

症若臌脹則非氣非水臌腑皮肉俱堅腫邪盛正衰難為治矣

素腹中論黃帝問曰有病心腹滿旦食則不暮食此為何病岐伯對曰名為臌脹帝曰治之奈何岐伯曰治之以雞矢醴一劑知二劑已 水熱穴論黃帝問曰少陰何以主腎腎何以主水岐伯對曰腎者至陰也至陰者盛水也肺者太陰也少陰者冬脈也故其本在腎其末在肺皆聚水也 腎者胃之關也關門不利故聚水而從其類也故凡水病下為跗腫大腹上為喘呼不得卧

者標本俱病 氣厥論肺移寒於腎為涌水涌水者按腹不堅水氣客於大腸疾行則鳴濯濯如囊裹漿水之病也 陰陽應象大論濁氣在上則生腹脹

金匱

師曰病有風水有皮水有正水有石水有黃汗風水其脈自浮外證骨節疼痛惡風皮水其脈亦浮外證胕腫按之沒指不惡風其腹如鼓不渴當發其汗正水其脈沉遲外證自喘石水其脈自沉外證腹滿不喘黃汗其

脈沉遲身發熱胸滿四肢頭面腫久不愈必致癰膿
脈浮而洪浮則為風洪則為氣風氣相搏風強為瘧疹
身體為痒痒為泄風久為痂癩氣強則為水難以俛仰
風氣相擊身體洪腫汗出乃愈惡風則虛此為風水不
惡風者小便通利上焦有寒其口多涎此為黃汗 寸
口脈沉滑者中有水氣面目腫大有熱名曰風水視人
之目裹上微擁如蚕新卧起狀其頸脈動時時咳按其
手足上陷而不起者風水 太陽病脈浮而緊法當骨

節疼痛反不疼身體反重而酸其人不渴汗出即愈此
為風水惡寒者此為極虛發汗得之渴而不惡寒者此
為皮水身腫而冷狀如周痺胸中窒不能食反聚痛暮
躁不得眠此為黃汗痛在骨節欬而喘不渴者此為肺
脹其狀如腫發汗即愈然諸病此者渴而下利小便數
者皆不可發汗裏水者一身面目黃腫其脈沉小便
不利故令病水假如小便自利此亡津液故令渴也越
婢加白朮湯主之少陰脈緊而沉緊則為痛沉則為

水小便即難脈得諸沉當責有水身體腫重水病脈出者死 夫水病人目下有卧蚕面目鮮澤脈伏其人消渴病水腹大小便不利其脈沉絕者有水可下之 問曰病下痢後渴飲水小便不利腹滿因腫者何也答曰此法當病水若小便自利及汗出者自當愈 心水者其身重而少氣不得卧煩而躁其人陰腫 肝水者其腹大不能自轉側脇下腹痛時時津液微生小便續通 肺水者其身腫小便難時時鴨溇 脾水者其腹大

四肢苦重津液不生但苦少氣小便難 腎水者其腹
大臍腫腰痛不得溺陰下濕如牛鼻上汗其足逆冷面
反瘦師曰諸有水者腰以下腫當利小便腰以上腫當
發汗乃愈 師曰寸口脈沉而遲沉則為水遲則為寒
寒水相搏趺陽脈伏水穀不化脾氣衰則驚澹胃氣衰
則身腫少陽脈卑少陰脈細男子則小便不利婦人則
經水不通經為血血不利則為水名血分 師曰寸口
脈遲而濇遲則為寒濇為血不足趺陽脈微而遲微則

為氣遲則為寒寒氣不足則手足逆冷手足逆冷則榮
衛不利榮衛不利則腹滿脇鳴相逐氣轉膀胱榮衛俱
勞陽氣不通即身冷陰氣不通即骨疼陽前通則惡寒
陰前通則痺不仁陰陽相得其氣乃行大氣一轉其氣
乃散實則失氣虛則遺溺名曰氣分氣分非水病但此
病無所附因血分
而類及之也然金匱云氣分心下堅大如
盤水飲所作則氣分似為水在氣中之病

病源

水分候 水分者言腎氣虛弱不能制水令水氣分散

流布四肢故云水分但四肢皮膚虛腫聶聶而動者名水分也

燥水候 燥水謂水氣溢於皮膚因令腫滿以指畫肉上則隱隱成文字者名曰燥水也

水腫之病千頭萬緒雖在形體而實內連臟腑不但難愈即愈最易復病復即更難再愈所以內經針水病之穴多至百外而調養亦須百日反不若臞脹之症一愈可以不發治此症者非醫者能審定病症神而明之病者能隨時省察潛心調攝鮮有獲全者

臞脹水腫方

此卷載水腫之方最備但病情不同各有所宜當細辨之

雞矢醴方

素問

治心腹滿旦食不暮食

雞矢

八合 研炒焦

無灰酒

三碗

右共煎乾至一半許用布濾取汁五更熱飲則腹鳴
辰巳時行二三次皆黑水也次日覺足面漸有縐紋
又飲一次則漸縐至膝上而病愈矣

防已茯苓湯

金匱

皮水為病四肢腫水氣在皮膚中四

肢聶聶動者主之

防已

黃芪

桂枝

各三兩

甘草

二兩

茯苓

六兩

右五味以水六升煮取二升分溫三服

甘草麻黃湯

金匱

裏水主之

甘草

二兩

麻黃

四兩

右二味以水五升先煮麻黃去上沫內甘草煮取三升溫服一升重覆汗出不汗再服慎風寒

麻黃附子湯

金匱

水之為病其脈沉小屬少陰浮者為

風無水虛脹者為氣水發其汗即已脈沉者宜麻黃

附子湯浮者宜杏子湯

金匱注云杏子湯未見恐是麻黃杏仁甘草石膏湯

麻黃

三兩

甘草

二兩

附子

一枚
泡

右三味以水七升先煮麻黃去上沫內諸藥煮取二

升半溫服八分日三服

發汗為治水要訣此
乃發腎水之汗也

桂枝去芍藥加麻黃細辛附子湯金匱氣分心下堅大

如盤邊如旋杯水飲所作此方主之

桂枝

生薑

各三兩

甘草

二兩

大棗

十二枚

麻黃

細辛

各二兩

附子

一枚
泡

右七味以水七升先煮麻黃去上沫內諸藥煮取二

升分溫三服當汗出如蟲行皮中即愈

枳朮湯

金匱

心下堅大如盤邊如旋盤水飲所作此方

主之

枳實

七枚

白朮

二兩

右二味以水五升煮取三升分溫三服腹中臈即散

蒲灰散

金匱

治小便不利

蒲灰

七分

滑石

三分

右二味杵為散飲服方寸匕日三服

己椒蘆黃圓

金匱

腹滿口舌乾燥此腸間有水氣此主

之

防己

椒目

葶蘆

熬

大黃

各一兩

右四味末之蜜丸如桐子大先食飲服一丸日三服

稍增口中有津液渴者加芒硝半兩

此治腸間之水
外症不必有水

象也

牡蠣澤瀉散

傷寒論

大病差後從腰以下有水氣者主之

牡蠣

熬

澤瀉

栝蒌根

蜀漆

洗去腥

葶蘆

熬

商陸根

熬

海藻

洗去鹹
各等分

右七味異搗下篩為散更入臼中治之白飲和服方寸匕小便利止後服日三

大腹水腫方千金治氣息不通命在旦夕者

牛黃二分椒目三分昆布

海藻 牽牛子

桂心各八分葶藶六分

右七味為末別搗葶藶如膏合和丸如桐子飲服十九日二稍加小便利為度貞觀九年漢陽王患水醫

所不治余處此方日夜尿一二斗五六日即瘥

麻豆湯

千金翼

治遍身腫小便澀者

麻黃

二升熬研

烏豆

一斗以水四斗煮取汁一斗

桑根白皮

切五升

右三味以豆汁內藥煮取六升一服一升日二服三

日令盡

豆不多不能取效

十水丸

千金翼

第一之水先從面目腫遍一身名曰青水其根在肝

大戟主之

第二之水先從心腫名曰赤水其根在心葶藶主之
第三之水先從腹腫名曰黃水其根在脾甘遂主之
第四之水先從腳腫上氣而欬名曰白水其根在肺
藁本主之

第五之水先從足趺腫名曰黑水其根在腎連翹主
之

第六之水先從面至足腫名曰元水其根在胆羌活
主之

第七之水先從四肢起腹滿大身盡腫名曰風水其根在胃澤漆主之

第八之水先四肢小腫其腹獨大名曰石水其根在膀胱桑根白皮主之

第九之水先從小腸滿名曰暴水其根在小腸已豆主之

第十之水乍盛乍虛乍來乍去名曰氣水其根在大腸赤小豆主之

右十病藥皆等分與病狀同者則倍之白蜜和先食

服一九如小豆日三欲下病者服三九弱者當以意

節之

十水之名病源亦詳載其狀今立此
十方想當時本有此分別也姑存之

舟車神祐方

河間

治水腫水脹形氣俱實者

黑牽牛

四兩

大黃

二兩
酒浸

甘遂

一兩
麩煨

橘紅

大戟

麩煨 芫花

醋炒

青皮

炒各
一兩

木香

五錢

枳榔

五錢

輕粉

一錢

右為末水丸每服五分五更滾水下大便利三次為

度若一二次不通利次日漸加至一錢若服後大便
利四五次或形氣不支則減其服三分二分俱可或
隔一二三日服一次以愈為度甚者忌鹽醬百日

大聖瀉川丸

類方

大黃

牽牛

郁李仁

各一兩

木香

芒硝

各三

錢甘遂

半錢

右為末蜜丸桐子大諒人虛實服之

此下水
之峻劑

木香散

類方

治單腹脹

木香

青皮

白朮

薑黃

豆豉

各半兩

阿魏

單澄茄

各一兩

右為末醋丸如豆大每服二十九薑湯送下

葶藶丸

外臺

治水腫及脚並虛腫

葶藶子

半兩

牽牛子

半兩生熟各半

澤漆葉

海藻

洗去鹽炙

昆布

如上炙

桑根白皮

炙

甘遂

熱

椒目

郁李

仁

各三分

桂心

一分

右為末蜜丸桐子大一服十五丸日再加至二十九

療水病洪腫氣脹不消食方

外臺

香薷內釜中以水淹之出香薷上數寸煮濃汁去滓

煎令可丸桐子大服五九日三小便多為度

又一丸法

療患氣兼水身面腫垂死方

外臺

桑白皮

茯苓

郁李仁

各四兩

橘皮

二兩

海藻

三兩 赤小豆 一升

洗

右六味以水八升煮二升半分三服

五香散

局方

升降諸氣宣利三焦疏導壅滯發散邪熱

治陰陽之氣鬱結不消諸熱蘊毒腫痛結核中脘不
快心腹脹滿

木香

丁香

沉香

乳香

藿香

等分

右為粗末每服三錢水一盞半煎八分去滓食後溫

服

此方治氣
分亦宜

五皮散

局方

治風濕客於脾經氣血凝滯以致面目虛

浮四肢腫滿心腹膨脹上氣促急兼治皮水妊娠胎

水

五加皮

地骨皮

生薑皮

大腹皮

茯苓

等分

右五味每三錢水煎熟服一方加白朮磨沉香木香

治蠱脹方

雜抄方

大麥粉

五錢

敷藥

類方

治腹滿堅硬如石陰囊腫大先用甘草嚼後

用此

大戟

芫花

甘遂

海藻

各等分

右為末用醋調麵和覆貼腫處仍以軟綿裹住

沉香琥珀丸

治水腫一切急難症小便不通

琥珀

杏仁

紫蘇

赤茯苓

澤瀉

各五

錢
葶藶

郁李仁

去皮尖

沉香

各一兩半

陳皮

防己

各七錢半

右為末蜜丸如梧子大以麝香為衣每服二十五丸加至五十丸空心人參湯送下量虛實加減之

調榮飲

治瘀血流滯血化為水四肢浮腫皮血赤

紋名血分

蓬朮

川芎

當歸

元胡索

枳櫛

陳皮

赤芍

桑皮

炒

大腹皮

赤茯苓

苓

葶藶

瞿麥

各一錢

大黃

一錢五分

細辛

官

桂

甘草

炙各五分

右以薑棗水煎服

血分之病金匱有病無方此為至當

烏鯉魚湯

類方

治水氣四肢浮腫

烏鯉魚

赤小豆

桑皮

白朮

陳皮

各三錢 葱白 五根

右以水三碗同煮不可入鹽先吃魚後服藥不拘時

小胃丹 丹溪

芫花

醋炒過一宿瓦器內不住手攪炒令黑不可焦一兩半

甘遂

麵裹長流水浸半月煮晒

乾一兩半

大黃

紙裹煨勿令焦焙乾切以酒浸炒熟焙乾一兩半

大戟

長流水煮一時再用

水洗晒乾五錢

黃柏

炒三兩

右為末以白朮膏丸如蘿蔔子大臨卧津液吞下或白湯下取膈上濕痰熱積以意消息之欲痢空心服

一方加木香檳榔各半兩

此即十棗湯加大黃黃柏

煨腎散

治腎家水腫

甘遂

三錢

獐猪腰子

一個

右細批破少鹽椒淹透摻藥末上荷葉包裹煨燒熟溫酒嚼服之

禹餘糧丸

治十種水氣脚膝腫上氣喘滿小便不

利但是水氣悉皆治之許學士及丹溪皆云此治膨

脹之要藥

即針砂丸又名蛇含石丸

蛇含石

大者三兩以新鍤銚盛入炭火中燒石與銚子一般紅用銚取蛇黃傾入醋中候冷研極

細末

禹餘糧

三兩

真針砂

五兩以水淘淨炒乾入餘糧一處用米醋二升就銚

內煮醋乾為度後用銚并藥入炭火中燒紅銚出傾藥淨磚地上候冷研細

以三物為主

其次量人虛實入下項

治水多是取轉惟此三物既非大戰甘遂芫花之比又有

下項藥扶持故虛人老人亦可

羌活

木香

茯苓

川

芎

牛膝

桂心

白豆蔻

大茴香

蓬朮

附子

乾薑

青皮

三稜

白茯苓

當歸

各半兩酒浸一宿

右為末入前藥拌勻以湯浸蒸餅掇去水和藥再杵
為丸梧子大食前溫酒白湯任下三十丸至五十丸
最忌鹽一毫不可入口否則發疾愈甚但試服藥即
於小便內旋去不動臟腑病日三服兼以溫和調補
氣血藥助之真神方也

此方兼治有
形之積塊

越婢湯

金匱

越婢加朮湯

方見
風門

五苓散

見通
治

甘草乾薑

茯苓白朮湯

金匱即腎
湯見腰痛

十棗湯

見痰
飲

防己黃芪湯

金匱見

濕門

肺痿

附肺癰

金匱

問曰熱在上焦者因欬為肺痿肺痿之病從何得之師
曰或從汗出或從嘔吐或從消渴小便利數或從便難
又被快藥下痢重亡津液故得之曰寸口脈數其人嗽
口中反有濁唾涎沫者何師曰為肺痿之病若口中辟
辟燥欬即胸中隱隱痛脈反滑數此為肺癰欬唾膿血
脈數虛者為肺痿數實者為肺癰 問曰病欬逆脈之

何以知此為肺癰當有膿血吐之則死其脈何類師曰
寸口脈微而數微則為風數則為熱微則汗出數則惡
寒風中於衛呼氣不入熱過於榮吸而不出風傷皮毛
熱傷血脈風舍於肺其人則欬口乾喘滿咽燥不渴多
唾濁沫時時振寒熱之所過血為之凝滯畜結癰膿吐
如米粥始萌可救膿成則死

肺癰之疾膿成亦有愈者
全在用藥變化漢時治法

或未
全耳

上氣面浮腫肩息其脈浮大不治又加痢尤甚

上氣喘而躁者屬肺脹欲作風水發汗則愈

肺痿方

甘草乾薑湯

金匱

肺痿吐涎沫而不數者其人不渴必

遺尿小便數所以然者以上虛不能制下故也此為肺中冷必眩多涎唾甘草乾薑湯以溫之若服湯已渴者屬消渴

甘草

四兩炙

乾薑

二兩泡

右二味以水三升煮取一升五合去滓分溫再服

此乃

治肺冷之方非肺痿通用之方也不得誤用

桂枝去芍藥加皂莢湯 千金 治肺痿吐涎沫

桂枝

生薑

各三兩

甘草

二兩炙

棗

十五枚

皂莢

一枚去皮子炙

焦

右五味以水七升煮取三升分三服

肺症生薑不可輕用

韋莖湯

千金

治欬有微熱煩滿胸中甲錯是為肺癰

韋莖

二升

薏苡仁

半升

桃仁

五十枚

瓜瓣

半升

右四味以水一斗煮韋莖得五升去滓內諸藥煮取

二升服一升再服當吐如膿

此方最穩

桔梗白散

外臺

治欬而胸滿振寒脈數咽乾不渴時出

濁唾腥臭久久吐膿如米粥者為肺癰

桔梗

貝母

各三分

巴豆

一分去皮
熬令如脂

右三味為散強人飲服半錢匕羸者減之病在上膈者吐膿血膈下者瀉出若下多不止飲冷水一杯則定

肺痿全屬內症肺癰乃係外科輕者煎藥可愈重者膿血已聚必得清火消毒提膿保肺等藥方能挽回否則不治所以金匱云始萌可救膿成則死也

甘草湯

治肺痿
見傷寒

炙甘草湯

見通

葶蘆大棗瀉肺湯

方見
痰飲

十味丸

方見
咳嗽

諸血

靈素

靈玉版篇嘔血胸滿引背脈小而疾是逆也 衄而不

止脈大是逆也 熱病篇欬而衄汗不出出不至足者

死

血枯 素腹中論帝曰有病胸脇支滿者妨於食病至

則先聞腥臊臭出清液先吐血四肢清目眩時時前後
血病名為何何以得之岐伯曰病名血枯此得之年少
時有所大脫血若醉入房中氣竭肝傷故月事少不來
也

溺血 素氣厥論胞移熱於膀胱則癰溺血 痿論悲
哀大甚則胞絡絕胞絡絕則陽氣內動發則心下崩數
溲血

金匱

夫吐血欬逆上氣其脈數而有熱不得卧者死 夫酒
客欬者必至吐血此因極飲過度所致也 師曰尺脈
浮目睛暈黃衄未止暈黃去目睛慧了知衄今止又曰
從春至夏衄者太陽從秋至冬衄者陽明 衄家不可
汗汗出必額上陷脈緊急直視不能眴不得眠 病人
面無血色無寒熱脈沉弦者衄浮弱手按之絕者下血
煩欬者必吐血 亡血不可發其表汗出即寒慄而振
瘀血 病人胸滿唇痿舌青口燥但欲漱水不欲咽無

寒熱脈微大來遲腹不滿其人言我滿為有瘀血病者如熱狀煩滿口乾燥而渴其脈反無熱此為陰伏是瘀血也當下之

病源

吐血有三種一曰內衄二曰肺疽三曰傷胃內衄者出血如鼻衄但不從鼻孔出是近心肺間津出還流入胃內出如豆汁或如衄血凝停胃裏因即滿悶便吐或去數升乃至一斛是也肺疽者言飲酒之後毒滿便吐已

後有一合二合或半升一升是也傷胃者是飲食大飽

之後胃內冷不能消化則便煩悶強嘔吐之所食之物

與氣共上衝蹙因傷損胃口便吐血色鮮正赤是也

此三種

種皆是吐血與咳血迥別凡吐血之後體恒惓惓然心裏煩躁悶亂

紛紛顛倒不安寸口脈微而弱血氣俱虛則吐血關上

脈微而乳亦吐血脈細沉者生喘咳上氣浮大者死久

不瘥面色黃黑無復血氣時寒時熱

此三者乃吐血症若嗽血屬肺又是

難治一症多

舌血 心臟有熱則舌上出血

九竅出血 榮衛大虛腑臟傷損血脈流散脈數不得
卧者死

汗血 肝藏血心之液為汗肝心俱傷於邪則汗血
外臺

便血 先血後便為遠血先便後血為近血

諸血方

血枯方 素問

以四烏鰂骨一蘆茹二物并合之丸以雀卵大如小

豆以五丸為後飯飲以鮑魚汁利腸中及傷肝也後飯

先藥後飯也烏鰂即烏賊治女子赤白漏下令人有子蘆茹即茜草能益精通經雀卵即麻雀卵補精血

治陰痿鮑魚即淡乾魚石首為勝能通血脉益陰氣

柏葉湯金匱治吐血不止

柏葉 乾薑各三兩 艾三把

右三味以水五升取馬通汁一升合煮取一升分溫

再服

瀉心湯

金匱

治心氣不足吐血衄血此湯主之

大黃

二兩

黃連

黃芩

各一兩

右三味以水三升煮取一升頓服之

滋血潤腸湯

統旨

治血枯及死血在膈飲食不下大便

燥

當歸

三錢

白芍

煨

生地

各一錢半

紅花

桃仁

炒

大黃

酒煨

枳殼

各一錢

韭汁

酒半盞

右八味以水一鍾半煎七分食前服

治吐血百治不瘥療十十差神驗不傳方 千金

地黃汁

半斤

大黃生末

一方寸匕

右二味煎地黃汁三沸內大黃末調和空腹服之日

三即差

用大黃極少不過引生地達耳

犀角地黃湯

千金

治傷寒及溫病應發汗而不汗之內

蓄血者及鼻衄吐血不盡內餘瘀血大便黑面黃消

瘀血

犀角

一兩

生地黃

八兩

芍藥

三兩

丹皮

二兩

右四味咬咀以水九升煮取三升分三服喜妄如狂者加大黃二兩黃芩三兩其人脈大來遲腹不滿自言滿者為無熱但依方二味不必加

犀角地黄湯

主脈浮客脈芤相合血積胸中熱之

甚血在上焦此湯主之

犀角

大黃

各一錢

黃芩

三錢

黃連

二錢

生地

四錢

右五味水煎食後服

四生丸

類方

治吐血衄血血熱妄行

生荷葉

生艾葉

側柏葉

生地等分

右搗爛丸如雞子大每服一九水煎去滓服以九煎湯亦一

法

白芨杞丸

戴氏

治咯血

白芨

一兩

杞葉

去毛

藕節

各五錢

右為細末另以阿膠五錢蛤粉炒用生地汁調之火

上頓化入煎藥為丸如龍眼大每服一九此治肺血之方

杞藕節只宜作湯為丸非法

皮膚血汗方

聖濟

郁李仁

去皮研
一錢

以鵝梨搗汁調下

汗血方

經驗
方

用人中白新瓦焙乾入麝香少許溫酒調服立效

諸竅出血方

聖惠
方

頭髮

敗稜

陳蓮蓬

並燒灰
等分

右三味每服三錢木香湯下

療舌上出血如孔鑽者

千金

煎香薷飲汁服

療舌血不止

千金

用槐花炒為末摻上

蒲黃炭亦可摻

紫霜丸

治舌上出血竅如針孔

紫金砂

即露蜂房頂上實處研一兩

蘆薈

三錢

貝母

四錢

右為細末蜜丸櫻桃大每服一丸煎化服吐血衄血

用溫酒化服

療齒斷血出

外臺

竹茹四兩醋浸一宿含之

療酒醉牙齒涌血

外臺

燒釘赤炷血孔中即止

此烙法也

雄黃麝香散

治牙斷腫爛出血

雄黃 血竭

白礬

枯各一錢半

麝香

一字

銅綠

輕粉

黃連

黃丹

炒各一錢

右共為末研勻敷患處

治牙縫出血

類方

以紙絰子蘸乾蟾酥少許於血處按之立止

黃連散

治齒縫間出血吃食不得

黃連

白龍骨

牙硝

各一兩

白礬

一分

龍腦

一

錢

右為細末每用少許敷牙根上

療滿口齒血出

枸杞子為末煎湯漱之然後吞下立止根亦可

方用子汁含滿口更後吃

治牙宣方

用棉花核煨灰擦

療鼻瀝血三升氣欲絕方

千金

龍骨末一棗核許微以氣吹入鼻中即斷更出者更吹之

茅花湯

活人書

治鼻衄

茅花每服三錢煎服不拘時

地黃散

元戎

治鼻衄久不愈

生地

熟地

地骨皮

枸杞子

右等分焙乾為末蜜湯調下

療淋血方

外臺

苧麻根十枚水五升煮取二升服神驗

療小便出血方

外臺

龍骨末二方寸匕酒一升服之日三

瞿麥散

奇效方

治血淋尿血

瞿麥穗

赤芍

車前子

白茅根

赤

茯苓

桑白皮

石韋去毛

生乾地黄

阿

膠炒

滑石

黃芩

甘草

炙各二錢

右為細末每服二錢入血餘燒灰二錢調服

神效方

治血淋

海螵蛸

生乾地黄

赤茯苓

等分

右為細末每服一錢用柏葉車前子煎湯下

髮灰散

治血淋小便出血如尿

用亂髮燒灰入麝香少許每服一錢用米醋溫湯調

下

玉屑散

治尿血并五淋砂石疼痛不可忍受者

黃芪

人參等分

右為末用蘿蔔大者切一指厚三指大四五片蜜奄
少時蘸蜜炙乾復蘸復炙盡蜜二兩為度勿令焦至
熟蘸黃芪人參末吃不以時仍以鹽湯送下製法奇

鹿角膠丸

濟生

治房勞傷小便尿血

鹿角膠

半兩

沒藥

另研

油頭髮繩

各三錢

右為末茅根汁打麴糊丸桐子大每服五十丸鹽湯

下

黃土湯

金匱

治下血先便後血此近血也

甘草

乾地黄

白朮

附子

泡

阿膠

黃芩

各三兩

灶中黃土

半斤

右七味以水八升煮取三升分溫三服

赤小豆當歸散

金匱

治下血先血後便此遠血也

赤豆

三升浸令芽出晒乾

當歸

三兩

右二味杵散漿水服方寸匕日三服

牛角鰓灰散

外臺

治卒下血

黃牛角鰓一具燒赤色為細末煮豉汁和二錢服重者日三

豬臟丸

治大人小兒大便下血日久多食易饑腹

不痛裏不急

先用海螵蛸炙黃去皮白者為末木賊草煎湯調下三日後效後用黃連二兩嫩豬臟二尺去肥

右以黃連塞滿猪臟紮兩頭煮十分爛研細添糕糊
九梧子大每服三五十丸食前米飲送下

此方治婦人血崩亦

良

又猪臟丸

治痔漏下血

猪臟

一條洗淨揀乾

槐花

炒為末填入臟內兩頭扎定石器內米醋煮爛

右搗和丸如梧子大每服五十丸食前當歸湯下

抵當湯

抵當丸

俱治瘀血

桃核承氣湯

治熱結膀胱小腸急結者以上

三方俱見傷寒

大黃廩蟲丸

百花煎

人參蛤蚧散

以上

三方俱見虛勞 瓊玉膏

龍腦雞蘇丸

千金地黃湯

治亡血脫血鼻唇色白無力者方

以上四方俱見通治

噎膈嘔吐

附闕格

靈素

靈結根篇太陰為開厥陰為闔少陰為樞故開折則倉廩無所輸膈洞膈洞者取之太陰視有餘不足 上膈篇黃帝曰氣為上膈者食飲入而還出余已知之矣蠱為下膈

下膈名蠱似屬蟲為患當以治蟲之法治之

下膈者食晬時乃出余

未得其意願卒聞之岐伯曰喜怒不適食飲不節寒溫不時則寒汁流於腸中流於腸中則蟲寒蟲寒則積聚守於下管則腸胃充郭衛氣不營邪氣居之人食則蟲上食蟲上食則下管虛下管虛則邪氣勝之積聚已留留則癰成癰成則下管約其癰在管內者即而痛深其癰在外者則癰外而痛浮癰上皮熱 五味篇苦走骨多食之令人變嘔苦入於胃五穀之氣皆不能勝苦苦入下脘三焦之道皆閉而不通故變嘔 四時氣篇善

嘔嘔有苦長太息心中憺憺恐人將捕之邪在胆逆在胃胆液泄則口苦胃氣逆則嘔苦故曰嘔 經脈篇足太陰病舌本強食則嘔胃脘痛腹脹善噫足厥陰所生病者胸滿嘔逆

素陰陽別論一陽發病少氣善欬善泄其傳為膈 三陽結謂之膈 至真要大論諸嘔吐皆屬於熱

關格 六節臟象論人迎一盛病在少陽二盛病在太陽三盛病在陽明四盛以上為格陽寸口一盛病在厥

陰二盛病在少陰三盛病在太陰四盛以上為格陰人迎與寸口俱盛四格以上為關格關格之脈羸不能極於天地之精氣則死矣

此指關格之脈非病名也

金匱

嘔家有癰膿不可治嘔膿盡自愈 先嘔却渴者此為欲解先渴却嘔者為水停心下此屬飲家嘔家本渴今反不渴者以心下有支飲故也 問曰病人脈數數為熱當消穀引食而反嘔者何也師曰以發其汗令陽微

膈氣虛脈乃數數為客熱不能消穀胃中虛故也 跌
陽脈浮而濇浮則為虛虛則傷脾脾傷則不磨朝食暮
吐暮食朝吐宿穀不化名曰胃反脈緊而濇其病難治
病人欲吐者不可下之 嘔而脈弱小便復利身有
微熱見厥者難治

傷寒論

脈上微頭小者則汗出下微本大者則為闕格不通不
得尿頭無汗可治有汗者死 寸口脈浮而大浮則虛

大為實在尺為關在寸為格關則不得小便格則吐逆
跌陽脈伏而濇伏則吐逆水穀不化濇則食不得入

名曰關格

此乃關格之病

按關格之症內經傷寒論所指不同內經所云是不治之症傷寒論所云則卒暴之疾當於通便止嘔方
法隨宜施治可也

千金

走哺下焦熱氣逆不續嘔吐不禁

外臺

五噎

夫五噎謂一曰氣噎二曰憂噎三曰食噎四曰

勞噎五曰思噎雖有五名皆由陰陽不和三焦隔絕津液不行憂恚嗔怒所生謂之五噎噎者噎塞不通也

氣噎

陰陽不和寒氣填於胸膈故氣噎不通令人喘

悸胸背痛也

卒食噎

由臟冷而不理津液少而不能傳行飲食也

噎膈嘔吐方

茱萸湯

金匱

嘔而胸滿者此湯主之

乾嘔吐涎沫頭

痛此亦主之

柴萸

一升

人參

三兩

生薑

六兩

大棗

十二枚

右四味以水五升煮取三升溫服七合日三服

生薑瀉心湯

傷寒論

治胃中不和心下痞鞭乾噎食臭脇

下有水氣腹中雷鳴下痢

生薑

四兩

甘草

炙

人參

黃芩

各三兩

半夏

乾薑

各一兩

大棗

十二枚

右七味以水一斗煮取六升去渣煎取三升溫服一

升日三服

生薑乾薑同用
取辛以開之

半夏瀉心湯

金匱

嘔而腸鳴心下痞者此湯主之

半夏

半斤洗

黃芩

乾薑

人參

各三兩

黃連

一兩

大棗

十二枚

甘草

三兩炙

右七味以水一斗煮取六升去滓再煎取三升溫服

一升日三服

黃芩加半夏生薑湯

金匱

乾嘔而痢者此湯主之

黃芩

三兩

甘草

炙

芍藥

各二兩

半夏

半斤

生薑

三兩

大棗

十二枚

右六味以水一斗煮取三升去渣溫服一升日再夜

一

猪苓散

金匱

嘔吐而病在膈上後思水者解急與之思

水者此湯主之

猪苓

茯苓

白朮

各等分

右三味杵為散飲服方寸匕日三服

傷飲惡飲此乃常理若胸中有

水則津液下流反口乾思水但不能多飲耳

大半夏湯

金匱

反胃嘔吐者此湯主之

半夏

三升洗
完用

人參

三兩

白蜜

一升

右三味以水一斗二升和蜜揚之二百四十遍煮藥

取二升半溫服一升餘分再服

其妙在用
甘爛水

大黃甘草湯

金匱

食已即吐者此湯主之

大黃

四兩

甘草

一兩

右二味以水三升煮取一升分溫再服

此治上
焦之吐

茯苓澤瀉湯

金匱

胃反吐而渴欲飲水者此湯主之

茯苓

半斤

澤瀉

四兩

甘草

三兩

桂枝

二兩

白朮

三兩

生薑

四兩

右六味以水一斗煮取三升內澤瀉再煮取二升半

溫服八合日三服

此治蓄飲之吐內澤瀉再煮似先煮五味後煮澤瀉

文蛤湯

金匱

吐後渴飲得水而貪飲者此湯主之兼主

微風脈緊頭痛

文蛤

五兩

麻黃

甘草

生薑

各三兩

石膏

五兩

杏仁

五十個

大棗

十二枚

右七味以水六升煮取二升溫服一升汗出愈

支蛤亦入

煎劑

生薑半夏湯

金匱

病人胸中似喘不喘似嘔不嘔似噦

不噦心中憤憤然無奈者此湯主之

半夏

半斤

生薑汁 一斤

右二味以水七升煮取二升內生薑汁煮取一升半

小冷分四服日三夜一服止停後服

此治寒飲之症內汁再煮似先

煮半

夏

半夏乾薑散

金匱

乾嘔吐逆吐涎沫此主之

半夏

乾薑

各等分

右二味杵為散取方寸匕漿水一升半煎取七合頓

服之

此治胃寒之吐

葛根加半夏湯

傷寒論

太陽陽明合病不下痢但嘔者主

之

葛根

四兩

麻黃

三兩去節湯泡

生薑

三兩

甘草

二兩

炙

芍藥

二兩

桂枝

二兩

大棗

十二枚

半夏

半斤

泡

右八味以水一斗先煮葛根麻黃減二升去白沫內

諸藥煮取三升去渣溫服一升覆取微似汗

橘皮湯

金匱

乾嘔噦若手足厥者此湯主之

橘皮

四兩

生薑

半斤

右二味以水七升煮取三升溫服一升下咽即愈

此治

胃氣不通之吐

橘皮竹茹湯

金匱

噦逆者此湯主之

橘皮

二升

竹茹

二升

大棗

三十枚

生薑

半斤

甘草

五兩

人參 一兩

右六味以水一斗煮取三升溫服一升日三服

黃連湯

傷寒論

傷寒胸中有熱胃中有邪氣腹中痛欲嘔

吐者主之

黃連

甘草

炙

乾薑

桂枝

去皮各三兩

人參 二

兩半夏

半斤

大棗

十二枚

右七味以水一斗煮取六升去渣溫服一升日三夜

一服

邪氣寒氣也故寒熱並用

昆布丸

治五噎咽塞食飲不下

昆布

洗

麥冬

天冬

訶梨勒

木通

大黃

朴硝

各一兩
五錢

郁李仁

桂心

百

合

各一兩

羚羊角

杏仁

蘇子

射干

各半兩

柴胡

陳皮

檳榔

各二錢
五分

右藥蜜丸桐子大熱酒下每服三十丸不拘時

關格不通方

千金翼

芒硝

芍藥

杏仁

各四兩

枳實

一兩炙

大黃

半斤

地黃 二兩

右藥以水七升煮取三升分三服

千金理諸噎方

常食乾粳米飯即不噎

又方 奇方

炭末細羅丸如彈子大含少許細細咽津即下

中風客熱噦方

千金翼

竹茹

四兩

生米

五合

右二味以水六升煮米熟服之

嘔噦方

千金翼

蘆根

五兩

以水五升煮取三升分三服兼服小兒尿

一二合良

消穀丸

千金翼

主數年不能飲食

小麥蘖

七月七日麴

各一升

乾薑

烏梅

各四兩

右四味搗篩為末煉蜜丸如桐子大空腹酒服十五丸日再稍加至三十丸其寒在胸中及反胃番心皆

差

卒噦

千金翼

男噦女人丁壯氣盛者噦其肺俞女子男子噦之

廣濟栳榔散

外臺

療吐酸水每食則變作醋水吐出

栳榔

十六分

人參

六分

茯苓

八分

橘皮

六分

萆撥

六分

右五味搗篩為散平晨空腹生薑五六兩合皮擣絞

取汁溫內散方寸匕攪調頓服之日一服漸加至一

匕半

純薑汁服末藥斷難入口祇宜取薑汁一滴拌藥別飲送下為要

崔氏方

外臺

療食則吐或朝食夜吐名曰胃反或氣噎

不飲食數年羸削唯飲水亦同此方

半夏

六兩

人參

六兩

生薑

一兩

橘皮

二兩

牛涎

一升

舂杵頭糠

一升
綿裹

厚朴

二兩
炙

羚羊角

三兩
削

右以水八升煮取三升分溫三服頻服

深師治噎方

外臺

羚羊角

前胡

甘草

人參

橘皮

各二兩

兩

右五味以水六升煮取三升分四服

反胃方

本事方

驢水

即驢小便

日服二合後食微吐一半晡時又服二合

人定時食粥吐出便定

丁香柿蒂湯

嚴氏

治寒呃

丁香

柿蒂

各二錢

人參

一錢

生薑

五片

煎服

治冷呃方

刀頭子

炙存性

酒服錢許

撞氣阿魏丸

局方

治五種噎疾九般心痛瘕癖氣塊冷

氣攻刺及脾胃停寒胸滿膨脹嘔吐酸水丈夫小腸

氣痛婦人氣血等疾

茴香

炒香

陳皮

去白

青皮

川芎

丁香皮

蓬莪朮

泡

甘草

泡各一兩

縮砂仁

肉桂

去粗皮各半兩

生薑

四兩鹽醃炒黑

白芷

泡半兩

胡椒

二錢半

阿魏

二錢半醋浸一宿以麩為

丸

右為末用阿魏丸雞頭大每藥丸一斤用硃砂七錢

為衣丈夫氣痛炒鹽湯下一粒至二粒婦人血氣醋

湯下常服一粒爛嚼茶酒任下

此方純用通氣溫熱之藥有火者不宜服

此卷所載方論種種各殊然皆係嘔吐反胃水飲蟲積等症非真膈病也膈病乃胃口枯槁之症百無一治論中雖有格脈格症而其形象俱未詳載必臨症多乃能識其真耳

旋復代赭湯

四逆湯

小柴胡湯

以上三方俱見傷寒

小半夏湯

方見痰飲

竹葉石膏湯

加生薑見通治

泄瀉

靈素

靈論疾疹尺篇飧泄脈小者手足寒難已飧泄脈小手足溫泄易已 玉版篇其腹大脹四末清脫形泄甚逆也 諸病暴注下迫皆屬於熱

素陰陽應象大論清氣在下則生飧泄 春傷於風夏生飧泄 濕勝則濡泄 脈要精微論久風為飧泄 平人氣象論泄而脫血難治 玉機真臟論泄而脈大難治

難經

泄凡有五其名不同有胃泄有脾泄有大腸泄有小腸泄有大瘕泄名曰後重胃泄者飲食不化色黃脾泄者腹脹滿泄注食即嘔吐逆大腸泄者食已窘迫大便色白腸鳴切痛小腸泄者漉而便膿血少腹痛大瘕泄者裏急後重數至圊而不能便莖中痛此五泄之要法也

泄瀉方

溫脾湯

本事方

主治錮冷在腸胃間泄瀉腹痛宜先取去

然後調治不可謂虛以養病也

厚朴

乾薑

甘草

桂心

附子

各二兩

大黃

四錢

右六味㕮咀取一兩水二鍾煎六分頓服

不可謂虛以養病此

千古之要訣
後人反是

訶梨勒丸

濟生

治大腸虛冷泄瀉不止腹脇引痛飲食

不化

訶梨勒

麩裹煨

附子

泡

肉豆蔻

麩裹煨

木香

吳茱

萸

炒

龍骨

生用

白茯苓

萼撥

等分

右為末生薑汁煮麵糊丸如梧子大每服七十九空心米飲下

香茸丸 治飲酒多遂成酒泄骨立不能食但再飲

一二盞泄作幾年矣

嫩鹿茸

酥炙黃

肉豆蔻

煨各一兩

生麝香

另研一錢

右為末陳米飯為丸如梧子大每服五十九空心米

飲下

固腸丸

得效

治臟腑滑泄晝夜無度

吳茱萸

御粟殼

黃連

各等分

右為末醋糊丸如桐子大每服三十丸空心米飲下

附子理中丸

局方

治脾胃冷弱心腹疼痛嘔吐瀉痢霍

亂轉筋體冷微汗手足厥冷心下逆冷滿悶腹中雷鳴飲食不進及一切沉寒痼冷並皆治之

人參

一兩

附子

炮一
枚

乾薑

泡

甘草

炙各
一兩

白朮

土炒
二兩

右為末蜜丸每藥一兩作十丸每服一丸以水一盞化開煎至七分稍熱食前服

四君子湯

局方

六君子湯

歸脾湯

平胃散

補中益氣湯

枳實丸

消痞積止泄瀉

瀉黃散

五苓

散

四神丸

藿香正氣散

局方

以上

四逆散

治少陰泄瀉

大承氣湯

小承氣湯

調胃承氣湯

敗毒散

葛根湯

葛根黃芩黃連湯


以上八方俱見

傷寒

厚朴七物湯

方見腹痛門

按泄瀉乃一時寒暖不調水穀不化或胃暑傷濕等症當擇清涼消散之品一二劑即愈今所集方內多脾胃虛寒久病之方隨症酌用可也



蘭臺軌範卷五

欽定四庫全書

子部

蘭臺軌範卷六

詳校官太醫院使臣張榮基

洗馬臣王坦修覆勘

總校官庶吉士臣何思鈞

校對官助教臣羅萬選

謄錄監生臣倪景寬

欽定四庫全書

蘭臺軌範卷六

吳江徐大椿撰

積聚癥痞

靈素

靈百病始生篇黃帝問於岐伯曰夫百病之始生也皆
生於風雨寒暑清濕喜怒喜怒不節則傷臟風雨則傷
上清濕則傷下三部之氣所傷異類願聞其會岐伯曰

三部之氣各不同或起於陰或起於陽請言其方喜怒
不節則傷臟臟傷則病起於陰也清濕襲虛則病起於
下風雨襲虛則病起於上是謂三部至於其淫泆不可
勝數 黃帝曰積之始生至其已成奈何岐伯曰積之
始生得寒乃生四字乃成積之總訣厥乃成積也黃帝曰其成積
奈何岐伯曰厥氣生足惋惋生脛寒脛寒則血氣凝滯
血氣凝滯則寒氣上入於腸胃入於腸胃則腹脹腹脹
則腸外之汁沫迫聚不得散日以成積卒然多飲食則

腸滿起居不節用力過度則絡脈傷陽絡傷則血外溢

血外溢則衄血陰絡傷則血內溢血乃溢則後血

衄為陽經

之血宜涼後血為陰經之血宜溫

腸胃之絡傷則血溢於腸外腸外有

寒汁沫與血相搏則并合凝聚不得散而積成矣

凡積未有

不因血而或者

卒然外中於寒若內傷於憂怒則氣上逆氣上

逆則六輸不通溫氣不行凝血蘊裏而不散津液瀦滲

著而不去而積皆成矣 六元正紀大論大積大聚不

可犯也衰其大半而止過則死 骨空論任脈為病男

子內結七疝女子帶下瘕聚

息積 素奇病論帝曰病脇下滿氣逆二三歲不已是

為何病岐伯曰病名曰息積此不妨於食不可灸刺積

為導引服藥藥不能獨治也

積最宜
外治

伏梁 靈柞氣臟腑病形篇心脈微緩為伏梁在心下

上下行時唾血 素腹中論帝曰人有身體髀股骭皆

腫環臍而痛是為何病岐伯曰病名伏梁此風根也其

氣溢於大腸而著於育育之原在臍下故環臍而痛也

不可動之動之為水溺瀆之病

難經

病有積有聚何以別之然積者陰氣也聚者陽氣也故
陰沉而伏陽浮而動氣之所積名曰積氣之所聚名曰
聚故積者五臟所生聚者六腑所成也積者陰氣也其
始發有常處其痛不離其部上下有所終始左右有所
窮處聚者陽氣也其始發無根本上下無所留止其痛
無常處故以是別知積聚也 五臟之積各有名乎以

何月何日得之然肝之積名曰肥氣在左脇下如覆杯
有頭足心之積名曰伏梁起臍上大如臂上至心下脾
之積名曰痞氣在胃脘腹大如盤肺之積名曰息賁在
右脇下覆大如杯腎之積名曰贛豚發於少腹上至心
下若豚狀或上或下無時

金匱

師曰病有奔豚有吐膿有驚怖有火邪此四部病皆從
驚發得之師曰奔豚病從少腹起上衝咽喉發作欲死

復還止皆從驚恐得之 夫瘦人繞臍痛必有風冷穀
氣不行而反下之其氣必衝不衝心下則痞 問曰病
有積有聚有滯氣何謂也師曰積者臟病也終不移聚
者腑病也發作有時展轉痛移為可治滯氣者脇下痛
按之則愈復發為滯氣 積聚皆有形滯氣則無形而有氣耳 病者腹滿按
之不痛為虛痛者為實可下之 舌黃未下者下之黃自
去 腹滿時減復如故此為寒當與溫藥 脈緊如轉
索無常者有宿食也 雖不可共牛肉作羹食之成瘕

病非亦然 醋合酪食之令人血瘕

病源

瘕瘕 皆由寒溫不調飲食不化與臟氣相搏結所生也其病不動者直名為瘕若病雖有結瘕而可推移者名為瘕瘕瘕者假也謂虛假可動也

鼈瘕 謂腹內有瘕結如鼈之形狀有食鼈觸冷不消生瘕者有食諸雜物得冷不消變化而作者

蟲瘕 人有多蟲而性好噉之所噉既多腑臟虛弱不

能消之變化生癥患者見蟲必嚙之不能禁止時從下部出亦能斃人

米癥 人有好啞米轉久彌嗜啞之若不得米則胸中清水出米不消化遂生癥結其人常思米不能飲食久則斃

腹內有人聲 有人腹內忽有人聲或學人語而相答此乃不幸致生災變非關經絡臟腑冷熱虛實所為也

服雷丸
可愈

髮癥 有人因飲食內悞有頭髮隨食成癥胸喉間如有虫上下來去者是也

蛟龍病 三月八日蛟龍子生在芹菜上人食芹菜入腹變成蛟龍其病之狀發則如癰

魚癥 有人胃氣虛弱者食生魚因為冷氣所搏不能消之結成魚癥揣之有形狀如魚也

蛇癥 人有食蛇不消因腹内生蛇瘕也亦有蛇之精液誤入飲食內食之其狀常若饑而食則不下喉食至

胸內即吐出其病在腹摸揣亦有蛇狀謂蛇瘕也

酒瘕 人有飲酒多而食穀少積久漸瘦遂常思酒不得則吐多睡不復能食是胃中有虫使之然名為酒瘕也

腹內有毛 人因飲食內誤有毛隨食入腹則漸漸羸瘦但此病不說別有證狀常自言因食毛以知之

積聚癥痞方

奔豚湯

金匱

奔豚氣上衝胸腹痛往來寒熱此主之

甘草

川芎

當歸

各二兩

半夏

四兩

黃芩

二兩

生薑

五兩

芍藥

二兩

生薑

四兩

甘李根白皮

一升

右九味以水二斗煮取五升溫服一升日三夜一服

茯苓桂枝甘草大棗湯

金匱

發汗後臍下悸者欲作賁

豚此湯主之

桂枝

四兩

茯苓

半斤

甘草

二兩

大棗

十五枚

右四味以甘爛水一斗先煮茯苓減二升內諸藥煮

取三升去渣溫服一升日三服

桂枝加桂湯

金匱

發汗後燒針令其汗針處被寒核起

而赤者必發責豚

小腹上至心灸其核上各一

壯與此湯

此灸法不循
穴道亦甚易

即桂枝湯加桂二兩

備急丸

金匱

治寒氣冷食稽留胃中心腹滿痛大便不

通

大黃

乾薑

各二兩

巴豆

一兩去皮
研如脂

右先搗大黃乾薑為末內巴豆合搗千杵和蜜丸如

豆大藏蜜器中勿洩氣候用每服三四丸煖水或酒下

又主中惡心腹脹滿卒痛如錐刺氣急口噤如卒死者捧頭起灌令下咽須臾當差不差更與三丸當腹中鳴即吐利便差若口噤者須化從鼻孔用葦管吹

入自下於咽

此溫下之法 口噤不能服藥者亦是一法

貪食食多不消心腹堅滿痛治之方

千金

鹽一升水三升

右二味煮令鹽消分三服當吐出食便差

蛟龍病方

金匱

治春秋二時龍精帶入芥菜中人偶食

之為病發時手背腹滿痛不可忍

硬糖

二三升

日兩度服之吐出如蜥蜴三五枚差

療犬肉傷

金匱

治食犬肉不消心下堅或腹脹口乾大

渴心急發熱妄語如狂或洞下

杏仁

一升合皮熟研用

沸湯三升和汁分三服痢下肉片大

驗

療食餮傷

金匱

治餮食之在心胸間不化吐復不出速

下除之久成癥病

橘皮

一兩

大黃

二兩

朴硝

二兩

右三味以水一大升煮至小升頓服即消

療餮癥

金匱

治食餮多不消結為癥病

馬鞭草搗汁飲之或以薑葉汁飲之一升亦消又可

服藥吐之

療蟲癥

千金

由啗蟲在腹生長為蟲癥

按此病發服水銀

故箴子一枚 故梳子一枚

右二味各破為兩分先取一分燒灰末之又取一分以水五升煮取一升頓服前末盡少時當病出無所忌

療十年瘰癧方

千金翼

桃仁去皮尖雙仁煮熬

豉

乾泡去皮熬搗篩各六升

蜀椒

去目閉口者生搗篩三升乾

薑

搗篩三升

右四味先搗桃仁如膏合搗千杵如乾可入少蜜和

搗令可丸如酸棗大空腹酒服三九日三仍熨法

椒熨方

千金翼

取新盆一口受一斗者鑽底上作三十餘孔孔上布椒三合椒上布鹽鹽上安紙兩重上布冷灰一升冷灰上安熱灰一升熱灰上安熱炭火如雞子大常令盆熱底安薄氈其口以板蓋上以手捉勿令落仰臥安於腹上逐病上及痛處自捉遣移熨之冷氣及癥結皆從下部中作氣出七日一易椒鹽滿三七日百

病差乃止

破癖湯

千金翼

白朮

枳實

炙

柴胡

各三兩

右以水五升煮取二升分三服日三

備急熨臍方

千金翼

吳茱萸

三升

以酒和煮熱布裹熨之

廣濟療鼈瘕

外臺

白馬尿

一升五合

溫服之令盡差

廣濟療米癥

外臺

其疾常欲食米若不得米則胸中出

清水

雞屎

一升

白米

五合

搗散用水一升頓服

療米癥羸瘦至死

外臺

葱白

兩虎口切

烏梅

三十枚碎

右二味以水三升宿漬烏梅使得極濃清晨噉葱白
隨飲烏梅汁盡頃之心腹煩欲吐即令出之三晨療
之當吐出米癥差無所忌

廣濟療髮癰

外臺

人因食誤食髮即胸間如有虫上下

惟欲飲油

油

一升

以香澤煎之大錘鏹貯之安病人頭邊以口

鼻臨油上勿令得飲及傳之鼻面令有香氣當呌喚
取飲不得與之必疲極眠睡其髮當從口出飲油人
專守視之并石灰一裹見癰出以灰粉手捉癰抽出

須臾抽盡即是髮也

奇法

積塊丸

治癰瘕積聚癖塊蠱積

京三稜

莪朮

各用醋煨

自然銅

蛇含石

各燒研各二兩

雄黃

蜈蚣

各一錢二分焙研

木香

一錢半

鍍花粉

用粳米醋炒一

錢辰砂

沉香

各八分

冰片

五分

蘆薈

天竺黃

阿魏

全蝎

焙乾各四錢

右為末用雄猪胆汁九如桐子大每服七八分

諸虫皆效

治食素粉積方

用紫蘇煎濃汁加杏仁泥服之即散

易簡紅丸

破癥消瘕

蓬朮

三稜

橘皮

青皮

胡椒

乾薑

阿魏

礬紅

右水泛為丸每服六十丸薑湯下又小兒脾胃之症
極有神效

大七氣湯

治一切癥瘕

三稜

莪朮

各煨切

青皮

陳皮

去白

木香

藿香

肉桂

益智仁

甘草

各七錢五分

右咬咀每服五錢水二盞煎至一盞食前服

半硫圓丸

局方

除積冷溫脾胃一切疰癖大便冷閉

硫黃

明淨好者研令極細用柳木錘子研過

半夏

湯洗七次焙乾為末

右等分以生薑自然汁同熬入乾蒸餅末攪和勻入臼內杵數百下圓如桐子大每服空心溫酒或生薑湯下十五丸至二十九丸婦人醋湯下

髮癥飲油方

夏子奇疾方

雄黃

半兩

右為末水調服之虫自出

食髮成瘕方

猪脂

二升 酒 三升

右以水煮三沸溫服日三

酒鼈氣鼈血鼈方

直指方

治平時嗜酒血入於酒為酒鼈

任氣血凝於氣為氣鼈虛勞痼冷敗血襍痰為血鼈
或附脇背或隱腸腹須急治之

生硫黃末以老酒調下時時服之

此味人多畏之不敢輕服其實性甚

和緩目覩有人服數斤全無所害惟肌膚色黃而已

蛇癥方

千金翼

白馬尾切細酒服初服五分一匕次服三分一匕更服二分一匕不可頓服殺人

蛟龍病方

唐明皇襟錄云有黃門奉便交廣回太醫周顧曰此人腹中有蛟龍上驚問對曰臣馳馬大庾嶺熱困且渴遂飲澗水竟腹中堅痞如石周遂以石硝雄黃煮服之立吐一物長數寸大如指視之鱗甲皆具此疾

遂愈

蛇瘕

危氏方

治面光發熱如火灸

蒜汁一盃飲之吐出如蛇即愈

腹內蛇瘕方

易簡

誤食菜中蛇精成蛇瘕或食蛇肉成瘕腹中常饑食物即吐以赤足蜈蚣一條炙研末酒服

血瘕方

甄氏

鼈甲

大黃

琥珀

等分

右三味作散酒服二錢少時惡血即下若婦人小腸中血下盡即休服也

虱瘕 喜食血

用極舊木梳煨灰服

婦人狐瘕方

外臺

因月水來或悲或驚或逢疾風暴雨

被濕致成狐瘕精神恍惚令人月水不通胸脇腰背痛引陰中小便難嗜食欲吐如有孕狀其瘕手足成形者殺人未成者可治

用新鼠一枚以新絮裹之黃泥固住入地坑中桑薪
燒其上一日夜取出去絮入桂心末六銖為末酒服
方寸匕不過一二服當自下

瓜蒂散

金匱

大承氣湯

小承氣湯

調胃承氣

湯

以上四方
俱見傷寒

保和丸

丹溪

枳朮丸

潔古

皂礬平胃散

感應丸

上四方
見通治

阿魏撞氣丸

方見
膈吐

蛇含石丸

即禹餘糧丸見

臘

蟲

附狐惑

靈樞

上膈篇虫為下膈

其詳備載
膈症門

虫瘕蛟蛭

厥病篇腸中有虫瘕及蛟蛭皆不可取以

小針心腸痛懷作痛腫聚往來上下行痛有休止腹熱
喜渴涎出者是蛟蛭也以手聚按而堅持之無令得移
以大針刺之久持之虫不動乃出針也

金匱

虬虫之為病令人吐涎心痛發作有時毒藥不止 虬

厥者當吐虵令病者靜而復時煩此為臟寒虵上入膈故煩須臾復止得食而嘔又煩者虵聞食臭出其人當自吐虵狐感之為病狀如傷寒默默欲眠目不得閉卧起不安蝕於喉為惑蝕於陰為狐不欲飲食惡聞食臭其面目乍赤乍黑乍白

此皆傷寒餘毒所結濕熱生虫也

病源

九虫者一曰伏虫長四分二曰虵虫長一尺三曰白虫長一寸四曰肉虫狀如爛杏五曰肺虫狀如蚕六曰胃

虫狀如蝦蟆七曰弱虫狀如瓜瓣八曰赤虫狀如生肉
九曰蛭虫至細微形如菜虫伏虫羣虫之主也虵虫貫
心則殺人白虫相生子孫轉大長至四五尺亦能殺人
肉虫令人煩滿肺虫令人咳嗽胃虫令人嘔逆吐喜噦弱
虫又名膈虫令人多唾赤虫令人腸鳴蛭虫居脘腸多
則為痔極則為癰因人瘡處以生諸癰疽癰瘰病疥齧
虫無所不為人亦不必盡有有亦不必盡多或偏無者
此諸虫依腸胃之間若腑臟氣實則不為害若虛則能

侵蝕隨其虫之動而能變成諸患也 凡蠱毒有數種
皆是變感之氣人有故造作之多取虫蛇之類以器皿
盛貯任其自相噉擊惟有一物獨在者即為之蠱便能
變感隨逐酒食為人患禍患禍於他則蠱主吉利所以
不羈之徒畜事之

齒慝 是虫食齒至斷膿爛汁臭如屯之收故謂之慝
齒

虫方

甘草粉蜜湯

金匱

虵虫之為病令人吐涎心痛發作有

時毒藥不止此湯主之

甘草

二兩粉一兩蜜四兩

右以水三升煮甘草取二升去滓內粉蜜攪令和煎如薄粥溫服一升差即止

烏梅丸

治病者靜而時煩因臟寒虵上入其膈為

虵厥當吐虵

烏梅

三百個

黃連

一斤

黃檗

六兩

乾薑

十兩

附子

六枚泡

蜀椒

四兩熬去汗

桂枝

六兩

細辛

六兩

人參

六兩

當歸

四兩

兩

右十味異搗篩合治之以苦酒漬烏梅一宿去核蒸之五升米下飯熟搗成泥和藥令相得內臼中與蜜杵二千下丸如梧桐子大先食飲服十九日三服稍加至二十九禁生冷滑物臭食等

療虬虫攻心腹痛

千金

用石榴根搗取汁平旦服亦可水煎

療虫蝕下部

千金

胡粉 雄黃

右二味各等分為末著穀道中亦治小兒

療傷寒惡病

千金

取生雞子小頭叩出白入漆一合熟和攪令極調當
沫出更內著穀中仰吞之食頃或半日乃吐下虫劇
者再服虫盡熱除病愈

追虫丸

八陣

治一切虫積

黑牽牛

取頭末

檳榔

各八兩

雷丸

醋炙

南木香

各二兩為末

茵

陳二兩

大皂角

苦楝皮

各一兩

右煎濃汁水為丸菰豆大大人每服四錢小兒三錢

或二錢或一錢半量人虛實用砂糖水吞下待追去

惡毒虫積二三立方以粥補之

按濃煎汁水為丸原本如此必有誤字竟

將水泛丸可也

下虫丸

追虫取積

苦楝皮

根皮為上樹面次之去面上粗皮

右為末麵糊丸彈子大如欲服藥宜戒午飯哺時預
食油煎雞卵餅一二個待上床時白滾湯化下一丸
至五更取下異虫為效

療寸白虫

榧子

栝榔

蕪荑

各等分

為末每二錢溫酒調

服先吃燒牛肉脯後服食水瀉永除

又方

榧子

四十九粒去皮

以月上旬平旦空心服七枚日服盡虫

消成水永瘥 又云食實七枚七日滿虫化為水

療濕慝虫

千金翼

此症多是熱病後或久下不止或有客

熱結在腹中或遇暑濕涼氣者多生此病病亦有燥
慝不甚洩痢而下部瘡癢不問燥濕久則殺人為病
診齒無色舌上盡白甚者滿口有瘡四肢沉重喜眠
如此者為虫下食其肛肛爛盡見五臟即死矣

黃連

生薑

切各十兩

艾葉

八兩

苦參

四兩

右四味㕮咀以水一斗煮取三升為三服日三

療蛔虫

病由勞熱傷心有虫名蛔虫長一尺貫心

則死

雷丸

熱

橘皮

桃仁

各五分

狼牙

六分

貫衆

三枚

蕪荑

青箱子

乾漆

各四分

亂髮

如雞子燒

殭蚕

二十

枚

右十味搗篩蜜丸以飲及酒空腹服二七九日再服

療百虫方

外臺

石榴皮

東引者一握去瘡皮

檳榔

七枚

右以水二升煎減半頓服欲服時先嚼鹿脯咽汁即
進之每月一二三日吃藥必瘥以虫頭向上月三五
以後不效以虫頭向下也服藥前一日莫食其虫吃
藥之後或痢出或內消皆瘥忌食生膾白酒諸冷物
一月餘

鶴虱散

外臺

療蛔虫心痛

鶴虱二分末溫酢一盞和服之虫當出

胡粉丸

外臺

療心痛不可忍似蛔虫者

生胡麻 一合 胡粉 半合

熬搗

右二味先以猪肉脯一斤空腹啖咽汁勿咽肉後取胡粉和胡麻搜作丸以少清酒使成頓服盡十歲以上增減忌生冷猪血魚雞蒜醋等七日若是蛔虫吐水者是也

甘草瀉心湯

金匱

治狐惑之為病狀如傷寒默默欲眠目不閉卧起不安蝕於喉為惑蝕於陰為狐不欲飲食惡聞食臭其面目乍赤乍黑乍白蝕於上部則聲

喝此湯主之蝕於下部則咽乾苦參湯洗之蝕於肛者雄黃薰之

甘草

四兩

黃芩

人參

乾薑

各三兩

黃連

一兩

大棗

十二枚

半夏

半升

右七味水一斗煮取六升去滓再煎溫服一升日三服

苦參湯

金匱

苦參一升水一斗煎取七升去渣薰洗日

三

雄黃

金匱

雄黃一味為末筒瓦二枚合之燒向肛薰之

赤小豆當歸散

金匱

病者脈數無熱微煩默默但欲卧

汗出初得之三四日目赤如鳩眼七八日目四眦黑
若能食者膿已成也此湯主之

赤小豆

三升浸令芽出曝乾

當歸

右二味杵為散漿水服方寸匕日三服

療心痛欲死

外臺

濃搗地黃汁和麪作冷淘不用鹽服一頓虫即出

蕪荑散

治虫咬心痛欲驗之大痛不可忍或吐青

黃綠水涎沫或吐虫發有休止

蕪荑

雷丸

各半兩

乾漆

碎研炒烟盡一兩

右共為末每服三錢調和服

諸痛

頭心胃腰腹

靈素

靈終始篇病痛者陰也痛而以手按之不得者陰也

素舉痛論視其五色黃赤為熱白為寒青黑為痛調
經論實者外堅充滿不可按之按之則痛虛者聶辟氣
不足按之則氣足以溫之故快然而不痛陰陽應象
大論氣傷痛形氣腫故先痛而後腫者氣傷形也先腫
而後痛者形傷氣也痺論痛者寒氣多也有寒故痛
也

頭痛

靈素

靈經脈篇足太陽膀胱脈動則病衝頭痛目似脫項如
拔脊痛腰似折髀不可以曲膈如結踠如裂是為踝厥
督脈之別名曰長強挾脊上項散頭上下當肩脾左
右別走太陽入貫脊實則脊強虛則頭重 足少陽胆
脈是主骨所生病者頭痛頷痛 厥病篇真頭痛頭痛
甚腦盡痛手足寒至節死不治

素奇病論帝曰人有病頭痛以數歲不已此安得之名
為何病岐伯曰當有所犯大寒內至骨髓髓者以腦為

主腦逆故令頭痛齒亦痛病名曰厥逆

病源

陽痰風厥頭痛 風痰相結上衝於頭即令頭痛數歲

不已即連腦痛手足寒至節即死

真頭痛亦必有痰

千金

卒頭痛頭痛如破非中冷又非中風是胸膈中痰厥氣上衝名為厥頭痛吐之即差

頭痛方

頭痛方

千金翼

葶藶子搗末以湯淋取汁洗頭良

又方

千金翼

吳茱萸

三升

以水五升煮取三升以綿拭髮根良

厥頭痛吐方

外臺

治痰厥頭痛

但單煮茗作飲二三升許須臾適吐吐畢又飲能如是數過劇者須吐胆汁乃止不損人

石膏散

實鑑

川芎

石膏

白芷

各等分

右為末每服四錢煮茶清調下

此治風火頭痛之方

透頂散

本事方

治偏正頭風夾腦風并一切頭風不問遠

年近日

細辛

三莖

瓜蒂

七分

丁香

三粒

糯米

七粒

腦子

麝香

各一黑豆大

右將腦麝研細將前四味另研細然後合研令勻封

好患人在左右搖一大豆許良久出涎一升許則安

痛風餅子

聖惠

五倍子

全蝎

土狗

各八分

右為末醋丸作如錢大餅子發時再用醋潤透頂太陽穴上炙熱貼之仍用帕子縛之吸濃茶睡覺自愈

止痛太陽丹

奇效

天南星

川芎

等分

右為末同蓮鬚葱白搗爛作餅貼太陽痛處

氣攻頭痛方

奇效

草麻子

乳香

等分

右搗爛作餅貼太陽穴上如痛止急去頂上解開頭
髮出氣即去藥

治頭痛方

奇效

用大蒜一顆去皮研取汁令病人仰卧以銅筋點少
許滴鼻中急令搐入腦眼中淚出差

玉液湯

濟生

治眉稜骨痛

半夏六錢泡湯七次切片作一服加生薑十片水煎

去渣納沉香末少許服

麝犀湯

濟生

治暗風頭旋眼黑昏眩倦怠痰涎壅盛骨

節疼痛

羚羊角屑

旋覆花

紫苑

石膏

甘

草

炙各一兩

細辛

半兩

前胡

七錢半

犀角屑

二錢半

右藥每服三錢加生薑三片大棗一枚水煎服

秘方貼頭風熱病

大黃

朴硝

等分

右為末用井底泥捏作餅貼兩太陽穴

頭風皆屬寒此獨為熱不

可不備

清震湯

保命

治頭面疔瘡增寒拘急發熱狀如傷寒

即雷

頭風

升麻

蒼朮

各四錢

荷葉

全者一個

水煎食後服

楊梅毒入頭亦

有此病當用治毒之方治之

治頭內如虫蛀響

此名天白蟻

用茶子末吹鼻中

此奇病不可不知

玉真圓

本事方

治腎氣不足氣逆上行頭痛不可忍謂之

腎厥其脈舉之則弦按之則石堅

硫黃

二兩

石膏

煨通赤研

半夏

柴湯洗各一兩

硝石

一錢五分

右為細末研勻生薑汁糊丸如梧子大陰乾每服二

十丸或薑湯或米飲下更灸關元穴百壯

茶調散

局方

治諸風上攻頭目昏重偏正頭疼鼻塞身

重及婦人血風攻症太陽穴疼

白芷

甘草

羌活

各二兩

荆芥

去梗

川芎

各四兩

細辛

去蘆一兩

防風

半一兩

薄荷

葉不見火八兩

右為細末每服二錢食後茶清調下常服清頭目

頭風摩散

方見風門

頭風有偏正之殊其病皆在少陽陽明之絡以毫針刺痛處數穴立效其外有瘡毒入頭名楊梅頭痛此乃外科之症另有治法

心胃痛

靈樞

厥病篇厥心痛與背相控善瘕如從後觸其心偃倭者

腎心痛也厥心痛痛如以錐鍼刺其心心痛甚者脾心痛也厥心痛色蒼蒼如死狀終日不得太息肝心痛也厥心痛卧若徒居心痛間動作痛益甚色不變肺心痛也真心痛手足清至節心痛甚旦發夕死夕發旦死

千金

胸痺令人心口堅痞急痛肌中若痺絞痛如刺不能俯仰胸前皮皆痛手不得犯短氣咳唾引痛咽塞痒燥時欲嘔吐煩悶自汗出或引背痛不治數日死

外臺

九種心痛 一虫 二注 三氣 四悸 五食 六

飲 七冷 八熱 九去來痛

惡注心痛 中惡心痛心腹絞刺奄奄欲絕

近人患心胃痛者甚多十人之中必有二三皆係痰飲留於心下久成飲囊發作輕重踈數雖各不同而病因一轍治法以滌飲降氣為主凡病竟有時代之不同如近三十年中咳嗽吐血者十人而五余少時此病絕少亦不可解也

心胃痛方

栝婁薤白白酒湯

金匱

胸痺之病喘息欬唾胸背痛短

氣寸口脈沉而遲關上小緊數此湯主之

栝婁

一枚搗

薤白

半斤

白酒

七升

右三味同煮取三升分溫再服

栝婁薤半夏湯

金匱

胸痺不得卧心痛徹背者此湯主

之

即前方加半夏半升

枳實薤桂枝湯

金匱

胸痺心中痞氣氣結在胸胸滿脇

下逆搶心此湯主之人參湯亦主之

枳實

四枚

厚朴

四兩

薤白

半斤

桂枝

一兩

枳實

一枚

右五味以水五升先煮枳實厚朴取二升去渣內諸

藥煮數沸分溫三服

人參湯

金匱即理中湯

茯苓杏仁甘草湯

金匱

胸痺胸中氣塞短氣此湯主之

橘枳薑湯亦主之

茯苓

三兩

杏仁

五十枚

甘草

一兩

右三味以水一斗煮取五升溫服一升日三不差更服

橘皮枳實生薑湯

金匱

橘皮一升枳實三兩生薑半斤

右三味以水五升煮取二升分溫再服

薏苡仁附子散

金匱

胸痺緩急者此主之

薏苡仁十五兩大附子十枚

泡

右二味杵為散服方寸匕日三服

桂枝生薑枳實湯

金匱

心中痞諸逆心懸痛此湯主之

桂枝

生薑

各三兩

枳實

五枚

右三味以水六升煮取三升分溫三服

赤石脂丸

金匱

心痛徹背背痛徹心此主之

蜀椒

一兩

烏頭

一分

附子

半兩

乾薑

一兩

赤脂

一兩

右五味末之蜜丸如梧子大先食服一九日三服不

知再加

此治大寒之症

九痛丸

金匱

治九種心疼

附子

三兩
泡

狼牙

一兩
炙香

巴豆

一兩去皮心
熬研如脂

人參

乾

薑

茱萸

各一
兩

右六味末之煉蜜丸如梧子大酒下強人初服三九
日三服弱者二九 兼治卒中惡腹脹痛口不能言
又治連年積冷流注心胸痛并冷氣上衝落馬墜車
血疾等皆主之忌口如常法

大建中湯

金匱

心胸中大寒痛嘔不能飲食腹中寒上

衝皮起出見有頭足上下痛不可觸近此主之

蜀椒

二合
去汗

乾薑

四兩

人參

二兩

以水四升煮取二升去渣內膠飴一升微火煎取一升半分溫再服如一炊頃可飲粥二升後更服當一日食糜溫覆之

療胸痺心痛方

千金

灸臆中百壯穴在鳩尾上一寸

此灸神效百壯灸瘡愈再灸非一日滿百

壯也

熨背法

千金翼

治胸痺心背疼痛氣悶

烏頭

細辛

附子

羌活

蜀椒

桂心

各一兩

川芎

一兩三錢半

右共為散以少醋拌綿裹微火炙令煖以熨背上

療心痛方

外臺

生油半合溫服瘥

此乃治虫痛之方

海蛤丸

丹溪

治痰飲心痛

海蛤

燒灰為末過數日火毒散用

瓜蒌仁

研

右以海蛤入瓜蒌內乾濕得所為丸每服五十丸

失笑散

經驗

治婦人心痛氣刺不可忍

五靈脂

蒲黃

等分

每用二錢醋熬膏入水煎服

此方治瘀血犯心

鶴蝨散

外臺

胡粉丸

外臺

療心痛如虫嚙方

外臺

蕪荑

散

以上四方俱見虫門

平胃散

見通治

半夏瀉心湯

見膈吐

腰痛

靈樞

經脈篇肝足厥陰也是動則病腰痛不可以俯仰終

始篇刺諸痛者其脈皆實從腰以上者手太陰陽明皆主之從腰以下者足太陰陽明皆主之病在腰者取之

臍

病源

腎主腰脚腎經虛損風冷乘之故腰痛也又邪客於足少陰之絡令人腰痛引小腹不可以仰息診其尺脈沉主腰背痛尺寸俱浮直下此為督脈腰強痛

風濕腰痛 勞傷腎氣經絡既虛或因卧濕當風風寒

乘虛搏於腎腎經與血氣相擊而腰痛

腎著腰痛 腎主腰脚腎經虛則受風冷內有積水風水相搏浸積於腎腎氣內著不能宣通故令腰痛其痛狀身重腰冷腹重如帶五千錢如坐於水形狀如水不渴小便自利飲食如故久久變為水病腎濕故也

背倭 肝主筋而藏血血為陰氣為陽陽氣精則養神柔則養筋陰陽和同則血氣調適共相榮養也邪不能傷若虛則受風風寒搏於脊脊之筋冷則攣急故令背

倭

脇痛 邪氣客於足少陽之絡令人脇痛欬汗出陰氣

擊於肝寒氣客於脈中則血泣脈急引脇與小腹診其

脈弦而急脇下如刀刺狀如飛尸至困不死

脇痛屬足少陽不屬

足厥陰

腰痛方

甘薑苓朮湯

金匱

腎著之病其人身體重腰中冷如坐

水中形如水狀反不渴小便自利飲食如故病屬下

焦身勞汗出衣裏冷濕久久得之腰以下冷腹痛重
如帶五千錢

甘草

白朮

各二兩

乾薑

茯苓

各四兩

右四味以水五升煮取三升分溫三服腰中即溫

青娥丸

局方

治腎虛為風冷所乘或處濕地或墜墮傷

損或因風寒皆令腰間似有物垂墜也悉主之

胡桃

二十個
去殼皮

破故紙

酒炒
六兩

蒜

四兩
熬膏

杜仲

薑汁炒
十六兩

右共為末丸如桐子大溫酒下婦人淡醋湯下三十

九

加味小柴胡湯

良方

治傷寒脇痛

柴胡

二錢

半夏

一錢

黃芩

二錢

人參

一錢五分

牡蠣粉

一

錢枳殼一錢甘草一錢

右作一服薑五片紅棗二枚煎服

摩腰膏

丹溪

治老人腰痛婦人白帶

附子尖

烏頭尖

南星

各二錢半

硃砂

雄黃

樟腦

丁香

各一錢半

乾薑

一錢

麝香

大者五粒

右共為末蜜丸龍眼大每一丸用生薑汁化開如厚
粥火上烘熱放掌上摩腰中候藥盡貼腰上即烘綿

衣縛定腰熱如火間二日用一丸

此法近有人專用
此治形體之病凡

虛人老人頗有效驗其術甚行又此方加入倭硫
黃人參鹿茸沉香水安息等大補之品摩虛損及老
人更妙又一法以麻油黃蠟為丸如胡桃大烘熱
摩腰上俟腰上熱然後紫好一丸可用數十次腹
中病亦可摩

療腰痛方

良方

杜仲

肉蓯蓉

破故紙

人參

當歸

秋石

川巴戟

鹿角霜

各等分

右後末用猪腰子一個洗淨淡鹽湯泡過劈開兩邊
中間勿斷細花開用前藥滲入另用稀絹一塊包裹
綿絮外用小灌入酒少許紙封毋令走泄藥氣煮熟
取食之飲醇酒三杯立愈

又方

奇效

胡桃肉

補骨脂

杜仲

各四兩

右作二貼每貼用水二盞煎服

麋茸丸

本事

治腎虛腰痛

麋茸

一兩鹿角亦可

兔絲子末

一兩

舶上茴香

半兩

右為末用羊腎一對酒煮爛去膜研和丸桐子大如

羊腎少入酒糊佐之每服三五丸溫酒或鹽湯下

藥碁子

本事

治腰腿痛氣滯

牽牛不拘多少用新瓦入火焙得通紅便將牽牛頓在瓦上自然半生半熟不得撥動取末一兩入細研硫黃一錢同研勻分三分每用白麵一匙水和捍開

切作碁子大五更初以水一盞煮熱連湯溫送下如
住即已未住隔日再作予嘗有此疾每發止一服痛
止

二神丸

本事方

左金丸

俱見
通治

按腰痛屬虛者固多而因風寒痰濕氣阻血
凝者亦不少一概壅補必成痼疾不可不審

腹痛

金匱

跌陽脈微弦法當腹滿不滿者必便難兩胠疼痛此虛

寒從下上也當以溫藥服之 病者腹滿按之不痛為
虛痛者為實可下之舌黃者下之黃自去 腹滿時減
復如故此為寒當與溫藥 夫中寒家喜欠其人清涕
出發熱色和者善嚏 中寒其人下痢以裏虛也欲嚏
不能此人肚中寒 夫瘦人繞臍痛必有風冷穀氣不
行而反下之其氣必衝不衝者心下則痞

傷寒論

病人不大便五六日繞臍痛煩躁發作有時者此有燥

屎故使不大便也 太陰之為病腹滿而吐食不下自
痢益甚時腹自痛若下之必胸中結鞭 傷寒五六日
腹中痛若轉氣下趣少腹者此欲自痢也

腹痛方

厚朴七物湯

金匱

病腹滿發熱十日脈浮而數飲食如

故此湯主之

厚朴

半斤

甘草

大黃

各三兩

大棗

十枚

枳實

五枚

桂枝

二兩

生薑

五兩

右七味以水一斗煮取四升溫服八合日三服嘔者加半夏五合下痢去大黃寒多者加生薑至半斤

附子粳米湯

金匱

腹中寒氣雷鳴切痛胸脇逆滿嘔吐

此湯主之

附子

一枚

半夏

半升

甘草

一兩

大棗

十枚

粳米

半升

右五味以水八升煮米熟湯成去滓溫服一升日三服

蒸臍法

亦可隨病所在蒸之外科寒症亦能蒸散

丁香 木香 半夏 南星 川烏

歸身 肉桂 麝香 冰 乳香 大黃

硝 山甲 雄黃 蟾蜍 白蔻

右為粗末放麪圈內上用銅皮一片多鑽細眼用艾
火灸銅皮上每日十餘火滿三百六十火病除藥味
亦可因症加減其藥用燒酒薑汁等拌濕

厚朴二物湯 金匱 痛而閉者此湯主之

厚朴 八兩 大黃 四兩 枳實 五枚

右三味以水一斗二升先煮二味取五升內大黃煮取三升溫服一服以痢為度

大黃附子湯

金匱

脇下偏痛發熱其脈緊弦此寒也以

溫藥下之宜此湯

大黃

三兩

附子

三枚
泡

細辛

二兩

以水五升煮取二升分溫三服強人煮取二升半分溫三服服後如人行四五里進一服

黃連湯

見嘔吐

小建中湯

見虛勞

桂枝加大黃湯

大柴

胡湯

小柴胡湯

大承氣湯

桂枝加芍藥

湯

理中湯

四逆湯

以上俱見傷寒

蘇合丸

見通治

腳氣

附轉筋

千金

諸經方有腳氣之論古人少有此疾

腳氣之名金匱已載但患者少耳

自永嘉南渡衣纓士人多有遭者有支法存仰道人等

並留意經方偏善斯術多獲全濟又宗齊之間釋門深

師述二公等諸家舊方為二十卷其腳弱一方近百餘

首魏周之代蓋無此病所以姚公集驗殊不慙懃徐王
撰錄未以為意特以三方鼎峙風教未一霜露不均寒
暑不等關西河北不識此疾自聖唐開闢無外南極之
地作鎮於彼往往皆遭近來中國士大夫亦有患者良
由今代風氣混同所致耳此病先從脚起因即脛腫時
人號為脚氣深師云脚弱者即其義也 問風毒中人
隨處皆得作病何偏著於脚答曰人有五臟心脈經絡
所起在手十指餘三臟經絡所起在足十趾地之寒暑

風濕皆作蒸氣足常履之所以風毒之中人必先中脚
久而不瘥徧及四肢腹背頭項經云次傳間傳是也凡
脚氣皆感風毒所致

治脚氣必兼風此乃要訣

人多不即覺會因他

病一度始發或奄然大悶經兩三日乃覺庸醫不識作
餘病治莫不盡斃始起甚微飲食如故惟卒起脚屈弱
不能動為異耳黃帝云緩風濕痺是也 有脚氣未覺
而頭項臂膊已有所苦諸處未知而心腹五內已有所
困或嘔食臭腹痛下痢二便不通衝悸不欲見光精神

昏憤迷忘錯亂壯熱頭痛身體酷冷疼痛轉筋頑痺緩
縱百節攣急小腹不仁等症皆脚氣狀貌也亦云風毒
脚氣之候婦人亦爾又有產後取涼多中此毒其熱悶
掣癢驚悸心煩嘔吐氣上皆其候也又但覺臍下冷痞
愒愒然不快小便淋瀝即是其候頑弱名緩風疼痛為
濕痺熱者治以冷藥冷者療以熱藥以意消息之
諸病皆然心下急氣喘不停自汗脈促嘔吐不止者死凡脚
氣皆由氣實而死終無一人服藥致虛而殂故不得大

補亦不可大瀉

凡治病大段相同

脚氣其人黑瘦者易治肥大

肉厚赤白者難治瘦人肉硬肥人肉軟也

外症亦同

脚氣有

腫者有不腫者其小腹頑痺不仁者脚多不腫小腹頑後不過三五日即令人嘔吐名脚氣入心如此者難治以腎水尅心火也 初得脚弱便速灸之服竹瀝湯灸訖服八風散無不瘥者若但灸不服藥但服藥不灸後必更發

脚氣當灸之穴

初灸風市 次伏兔 次犢鼻 次膝兩眼 次三里

次上廉 次下廉 次絕骨

病源

脚氣疼不仁 由風濕毒氣與血氣相搏故疼邪在膚
腠則血氣澁而皮膚厚搔之如隔衣故不仁

脚氣痺攣 風毒搏於經風濕乘於血故令痺攣也

脚氣心腹脹急 風濕毒氣從脚上入於內與臟氣相
搏結聚不散故心腹脹急

脚氣腫滿 由風濕毒氣搏於腎經則腎氣不能宣通
水液使傳於小腸反漬於皮膚故腫滿也

脚氣驚悸 由溫濕挾風毒初客膚腠後經腑臟與神
氣相搏則心驚悸也

脚氣轉筋 靈樞四時氣篇轉筋於陽治其陽轉筋於
陰治其陰 本輸篇轉筋者立而取之可令遂已

脚氣方

礬石湯

金匱

治脚氣衝心

礬石

二兩

以漿水一斗五升煎浸脚良

第一竹瀝湯

千金

治兩脚痺弱或轉筋皮肉不仁腹脹

起如腫按之不陷心中惡不欲食或患冷方

竹瀝

五升

甘草

秦艽

葛根

黃芩

麻黃

防己

細辛

桂心

乾薑

各一兩

防風

升麻

各一兩半

茯苓

二兩

附子

二枚

杏仁

五十枚

右十五味以水七升合竹瀝煮取三升分三服取汗

此脚氣主方

多治風之藥

烏麻酒

千金

治風虛氣滿脚疼痺孿弱不能行

烏麻

五升

微熬搗酒漬一宿隨所能飲之盡更作

茱萸木瓜湯

治脚氣衝心悶亂不識人手足脈欲

絕

吳茱萸

半兩

木瓜

一兩

栝榔

二兩

生薑

五片

水煎服

蘇子粥

養老書

治老人脚氣毒悶身體不仁行履不能

紫蘇子

五合

熬研細以水投取汁

粳米

四合

淨洗淘

右煮作粥臨熟下蘇汁調之空心食之日一服亦溫

中

杉木湯

本事方

唐柳柳州云元和十二年二月得脚氣夜

半瘡絕脇有塊大如石且死困塞不知人三日榮陽
鄭洵美杉木湯服半日食頃大小便三次氣通塊散
用杉木節一大升橘葉一升無葉以皮代之大腹枳
榔七個合子碎之童子小便三大升共煮一升半分
二服若一服得快痢停後服

枳榔散

活人書

治腳腫

橘葉

一大握

沙木

一握

小便

一盞

酒

半盞同以
上藥煎

右煎數沸調栴榔末二錢食後服

即前方
變法

木瓜散

活人書

治脚氣

大腹皮

一枚

紫蘇

一分

乾木瓜

一分

甘草

一分

木香

一分

羌活

一分

滓通口服

右細剉為散分作三服每用白水一盞煎至半盞去

雞屎白散

金匱

轉筋之為病其人臂脚直脈上下行微

弦轉筋入腹者

雞屎白一味為散取方寸匕以水六合和溫服

療轉筋方

外臺

以鹽一升水一升半作湯洗漬良

延效療轉筋

外臺

并治渾身轉筋

煖水稍熱於浴斛中坐浸須臾便差如湯沃雪

轉筋灸法

外臺

轉筋在兩臂若胸脇者灸手掌白肉際七壯在十

指者灸手踝骨上七壯 在脛骨者灸膝下廉筋上

三壯

又法灸涌泉七壯亦可灸大都七壯

穴在足大母指

本節內側白肉際

腹脹轉筋者灸臍上一寸十四壯

烏頭湯

見風痺

麻豆湯

見水腫

大活絡丹

崔氏八味丸

即腎氣丸俱見通治



蘭臺軌範卷六